

**Atendé pa**

H.W.T. Linkels

**Number di telefon**

00599 717 0984

**Tópiko**

Redukshon di bo penshun

**fecha**

20 Yanüari 2017

Apresiable señor / señora N.K. Curiel,

Na yüli 2016 nos a manda bo un karta den kua nos a indiká ku posiblemente lo mester redusí bo penshun. Nos a indiká ei den tambe ku nos ta den kombersashon ku Estado Hulandes tokante posibilidatnan pa evitá un redukshon. E kombersashonnan ainda ta andando, pero tanten no a hasi palabrashonnan konkreto ku Estado, nos mester sigui e legislashon aktual. P'esei nos ta informá bo awor ku entrante 1 di aprel 2017 nos mester baha e pago di penshun ku 3,5%. Ta baha tambe ku 3,5% e derechonan di penshun di partisipantenan pa kende e penshun no a drenta na vigor ainda Si akaso ainda por bin siguransa promé ku 1 di aprel di parti di Estado, e ora ei posiblemente ainda lo por evitá e redukshon.

Den e karta akí nos ta splika dikun mester kòrta den e penshunnan, i kiko esei ta nifiká pa bo. Promé ku 1 di aprel ainda bo ta risibí tambe un karta ku den dje e konsekuensianan pa bo penshun individual.

**Aklarashon**

Den lei tin stipulá kuantu plaka un fondo di penshun mester tin den kaha. Na e momentunan akí PCN tin ménos den kaha ku loke lei ta eksigí. PCN p'esei a traha un plan di rekuperashon. Ei den tin deskribí kua medidanan ta bai tuma pa trese e grado di kobertura di PCN riba e nivel rekerí. E medidanan akí ta relashoná ku e maneho di invershon i e maneho di prima i indeksashon. Lástima e medidanan aki – pa motibu di sirkunstansianan ku a kambia riba e merkadonan di

(invershon) – no a kondusí ainda na un posishon finansiero salú denter di e término stipulá pa lei pa esei. P'esei nos ta obligá di kòrta e penshunnan ku 3,5% entrante 1 di aprel 2017.

#### **Pakiko redukshon ta nesesario?**

PCN tin sufisiente plaka den kaha pa paga e penshunnan e añanan benidero. Pero PCN no tin sufisiente kapasidat na e momentunan akí pa paga tambe e penshunnan di partisipantenan ku ta te despues di un temporada largu numa ta bai ku penshun. Pa ta sigur ku PCN riba término largu por paga tambe tur penshun, PCN mester tin fin di 2018 un grado di kobertura di por lo ménos 100%. Esei ta nifiká ku PCN tin e ora ei nèt sufisiente plaka den kaha. E grado di kobertura di PCN ta fin di desèmber alredero di 77%. Pa alkansá un grado di kobertura di 100% fin di 2018 PCN segun stipulashonnan legal, na aprel 2017 mester apliká un redukshon di 3,5%. en todo kaso Posiblemente PCN mester apliká atrobe un redukshon riba 1 di aprel 2018 pa yega na un grado di kobertura di 100% fin di 2018. Si esaki ta nesesario ta dependé di e grado di kobertura den 2017 i 2018 i un eventual akuerdo ku Estado.

#### **Kon bin ku e grado di kobertura di PCN ta asina abou?**

Tin mas motibu pa e grado di kobertura abou. E kousanan mas prinsipal ta e bahada di interes di kalkulashon i e espektativa di bida ku a oumentá. Ademas sirkunstansianan riba merkadonan (di invershon) ta hunga un ròl. Na komienso di PCN riba 10 di òktober 2010 Estado hulandes a kalkulá e obligashonnan di penshun. De Nederlandsche Bank (DNB) na 2013 sinembargo a indiká ku e puntonan di salida riba kua a kalkulá e obligashonnan di penshun no ta sufisiente kouteloso: segun DNB PCN mester tene kuenta ku interesnan mas abou i ku un espektativa di bida mas haltu ku loke Estado a asumí na momentu di traspaso di e obligashonnan na PCN. PCN ta di opinion ku Estado na 2010 a paga muchu tiki pasobra a asumí un interes muchu haltu i un espektativa di bisa muchu abou. PCN ta di opinion ku Estado ainda mester pone plaka èkstra disponibel pa PCN. Esaki lo a hisa e grado di kobertura di PCN. Ya pa algun tempu nos ta den kombersashon ku Estado tokante e tópiko akí, pero esaki ainda no a kondusí na resultado.

#### **Por drai e redukshonnan bèk?**

Si e grado di kobertura di PCN rekuperá bon, i ta kuadra ku e eksigensianan legal, por drai e redukshon bèk. Lo hisa e penshunnan e ora ei te na e montante original. Si a drai e redukshonnan bèk, i e grado di kobertura ta sufisiente, PCN despues lo por bolbe indeksá e penshunnan.

**Kiko esaki ta nifiká pa bo pòtmòni den 2017?**

Si bo ta risibí un penshun di PCN, e efekto riba bo entrada nèto ta ménos ku e redukshon di 3,5%. Esaki ta pa motibu ku bo ta risibí un pago di AOV tambe. Na febrüari 2017 bo ta risibí un karta ku informashon adishonal tokante e konsekuensianan di e redukshon.

Si bo no a baha ku penshun ainda, bo derechonan ta ser redusí. Den 2017 bo no ta ripará esaki, perso si ora bo baha ku penshun.

Bo tin pregunta relashoná ku e karta akí? Tuma e ora ei kontakto ku nos sekretario atministrativo señora Frederique van den Steen. Por hasi esei dor di manda un e-mail pa

[secretaris@pensioenfondscn.com](mailto:secretaris@pensioenfondscn.com) òf telefónikamente: 00 599 717 09 84.

Bo ta biba na Sint Eustatius òf Saba? E ora ei bo por yama tambe señora Ingra Bennett na 00599 318 32 18.

Ku saludo kordial,



Harald Linkels

Presidente di Stichting Pensioenfonds Caribisch Nederland